



Mikvsuk Thomassen
Inatsisartunut ilaasortaq, Inuit Ataqatigiit

§ 37 naapertorlugu apeqqut nr. 347/2019-imut akissut.

05-12-2019
Sags nr. 2019 - 24757
Akt nr. 12116918

1. Naalakkersuisut ilisimavaat nunatsinni tarnimikkut napparsimasut qassiunersut?

Akissut:

Dronning Ingridip Napparsimavissuani tarnikkut nappaatilinnut immikkoortortami nakorsarneqartut massakkut 1.400 missaanniipput, tassanngaa meeqyanut inuuusuttunullu tarnimikkut nappaatilinnut immikkoortortami nakorsarneqartut 145-nik amerlassuseqarlutik. Nakorsarneqartuni pineqarput Napparsimavissuarmi tarnikkut nappaatilinnut immikkoortortami napparsimasut uninngasuutigineqartut. Taakkua avataatigut tassani pineqarput uninngasuutigineqarsimasut ataavartumillu malinnaavigineqartut. Aammattaaq Napparsimavissuarmi tarnikkut nappaatilinnut immikkoortortamit malinnaavigineqalersimasut annertupput, ornigunnikkut, tarpip nappaataannut nakorsamut angalaartumut attaveqarnikkut imaluunniit qarasaasiatigut attaveqaatit atorlugit malinnaavigineqalersimasut sulilu malinnaavigineqartut. Malinnaaviginninneq Napparsimavissuarmi tarnikkut nappaatilinnut immikkoortortami, Nuummi imaluunniit sinerissami tarnikkut nappaatilinnut sullissivinni ingerlanneqartaroq. Nuup avataani malinnaaviginninnermi Napparsimavissuarmut qarasaasiatigut attaveqarnissamut periarfissaqarpoq.

Inuit taakku 1.400 missaanniittut ataavartumik malinnaavigineqartut nuna tamakkerlugu tarnikkut napparsimasut amerlassusaannik tamakkiisumik takutitsinngillat, kisitsisilli qanoq annertutigineranik missingiutaallutik.

Peqqinnissaqarfiup elektroniskiusumik nakorsianut paasissutissanik allattuiviata allineqarnera ingerlanneqarpoq. Allineqarnera innuttaasut akornanni tarnikkut nappaatit assigiinngitsut annertussusaata hakkutiginissaannut misissornissaannullu periaasissiisaq.

2. Akissut aappiuppat; qanoq tarnimikkut nappaatillit aaqqissuussaanikkut nalunaarsorneqartarpat?

Akissut:

Innuttaasoq unitsinneqaraangat imaluunniit nakorsiartarfimmiit malinnaavigineqaleraangat Peqqinnissaqarfiup elektroniskiusumik nakorsianut paasissutissanik allattuiviianut nalunaarsorneqartarput. Napparsimavissuarmiit angerlartinneqaraangamik allattuivianni nappaataata suunera tamatigut ilanngunneqartaroq.

3. Akissut naamiuppat; sooq aaqqissuussamik nalunaarsuisoqarneq ajorpa?

Akissut:

Postboks 1160
Tlf: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

Apeqqut 2-mut akissut takuu.

4. Naalakkersuisut ilisimatitsissutigisinnaavaat nunatsinni inissiat tarnimikkut napparsimasunut tulluartut qassit pigineqarnersut?

Akissut:

Tarnikku nappaateqarneq peqqutigalugu inunnut annertuumik innarluutilinnut ulloq unnuarlu paaqqinnittarfiiq qassiniq inissaateqarnersut kisiisa Naalakkersuisunit kisitsisaatigineqarpoq. Massakkut meeqqanut immikkoortortami 13-inik inissaqarpoq, inersimasunut autismertunut inissat 15-it taavalu inunnut skizofrenimik nappaateqartunut inissat 31-iullutik.

5. Naalakkersuisut tarnimikkut napparsimasunut pillugit siunissamut pilersaaruteqarpat?

Akissut:

Napparsimavissuarmi tarnikku nappaatilinnut illoq nutaaq pillugu sanaartornissamut pilersaarut 2020-mi aallartinnissaa naatsorsuutigineqartoq Naalakkersuisunit ilisimatitsissutigineqarsinnaavoq. Tarnikku nappaatilinnut illoq nutaaq atulerpat tarnikku napparsimasut, taakkua akornanni meeqqat inuusuttullu, napparsimavimmut unitsinneqernerannut atatillugu atugaat pitsaanerulissapput. Illoq nutaalialasunik ullutsinnullu naapertuutunik atugassaqartitsissaaq, ilaatigut nakorsarneqartut nakorsarneqartunut allanut navianartorsiortitsisinnaappata assiaquusersornissaannut periarfissiilluni.

Aammattaaq meeqqanut inuusuttunullu tarnikku napparsimasunut imaluunniit pasitsaassisoqnerani annertunerusumik ataqtigiinnerusumillu suliniuteqartarnissaq siunertalarugu Naalakkersuisut suliakta akimorlugit aqtsisoqatigiinnik pilersitsinikuupput. Suliniutip taassuma ilaatigut meeqqanut inuusuttunullu tarnimikkut napparsimasunut tunngatillugu unammiligassat annerpaat suunersut paasiniassavaa naggataatigullu pitsangorsaatissanik innersuussisussaalluni. Suliniut 2020-mi naammassineqassasoq naatsorsuutigineqarpoq.

Taakku avataatigut UKA 2020-mi kingusinnerpaamik saqqummiunneqartussamik angerlarsimaffeqanngitsunut tunngatillugu qulaajaanissamik Inatsisartut Naalakkersuisunut suliakkiinikuupput. Tassunga atatillugu angerlarsimaffeqanngitsut tarnikku nappaatillit pillugit ajornartorsiutit qanoq annertutigineri qulaajarneqassallutik. Taanna innuttaasut angerlarsimaffeqanngitsut tarnimikkut napparsimasut qanoq pitsaanerpaamik tapersorsorneqarnissaat ikiorneqarnissaallu pillugit isummernissamut tunngaviliissaqaq. Isummersorneq kommunit suleqatigalugit ingerlanneqassaaq.

Inussiarnersumik inuullaqqusillunga

Med venlig hilsen


Martha Abelsen